




En festa



Idiom: Ladin dla Val Badia

Meludia: A. Mancuso

Paroles: Iaco Ploner

Tan tröpa jënt éle sön tru da udëi
y nosc paîsc s'á travisti te n gran plajëi.
Tan de ligrëza! Tan d'alegria!
Y vigni crusc y vigni mal é passà ia.

/: En festa é incö l paîsc intier
y l cör é cuntënt de pudëi vir,
chësc dé ch' é tan bel cun jënt che se vëgn düc
y ciara cun speranza tl induman.
Na stëra slumina l firmamënt:
n fi d' nosta patria é gnü fat sant!
La grazia de Dî ne dëss plü s'un jí mai
da chësta festa ch' é te düc i cörs. :/

Canch' induman jö jará al laûr,
Spo ciafarai n monn ch' é trës ciamó dolur;
Spo punsarai iö a n dé sciöch chësc:
che mâ l amur é l lingaz che düc cunësc.